



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 39. S. Majolus a Saracenis captus.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

§. XXXIX.

Sæculum X.
A.C. 975.*S. Majolus a Saracenis captus.*

Sanctus Majolus altera profectioe, an-
no nongentesimo septuagesimo ter-
tio, Romam suscepta, in reditu suis præ-
dixit, Ottonem Imperatorem eodem an-
no e vivis abiturum. In Alpium angu-
stis a Saracenis Fraxinetum obtinenti-
bus, cum plurimis itineris sociis, qui sub
Sancti Viri præsidio tutos se credebant,
captus est. Saraceni, quotquot com-
prehendere potuerunt, vinculis ferreis
onerarunt; cumque S. Abbas Saracenum
de rupis cacumine jaculum in quemdam
familiarium suorum intorquentem con-
spiceret, objecta dextra ictum excepit, &
cicatricem, eximie charitatis monu-
mentum, quoad vixit, circumtulit. Ipse
intrepido animo mortem non pertime-
scebat, sed quia paterno affectu omnes
complectebatur, dolebat, quod sui cau-
sa tot amici in tristem captivitatem in-
cidissent. Illud vero ferventi oratione
ad Deum impetravit, ut nullus suorum
necaretur. Barbari, Abbatem ad sua
munimenta deducentes, alii & quidem
Ducum præcipui, honorem exhibebant,
alii ridebant, & Religionem Christianam
conviciis insectabantur.

Tunc autem S. Abbas Religionis no-
stræ veritatem, & Superstitionis Maho-
me-

Sæculum X.

A. C. 975.S. Majolus
inter Sara-
cenos.

metanæ impietatem clarissimis argumen-
tis demonstrare cœpit, quod Barbaros
usque adeo irritavit, ut pedibus vincu-
lis ferreis constrictis Abbatem in antrum
horrendum conjicerent. Ibi gratiam
Martyrii a Deo enixe petenti oblatum
est somnium, ex quo didicit, fore, ut ex
hac captivitate liberaretur. Tum ve-
stem suam excutiens præter spem inve-
nit Tractatum de Assumptione S. Virgi-
nis, opus jam illa ætate S. Hieronymo
adscriptum, quem librum Saraceni, cum
ei ceteros omnes auferrent, non nota-
verant. Ipse lætus, quot dies exinde
usque ad Assumptionem superessent, nu-
merat, & cognoscit, restare dies vigin-
ti quatuor. Nempe agebatur vigesima
quarta Julii. Ergo Sanctam Virginem
ferventius invocare cœpit, ut ipsa apud
Filium suum intercedente futurum hoc
Festum cum Christianis celebrare sibi
concederetur. Ita prolixius oranti sub-
repsit somnus, ex quo evigilans miratur,
vincula sua, nemine manum admove-
nte, dissiliisse. Infideles quoque prodigi-
o attoniti, & liberatum iterum ligare
non ausi, virum venerari cœperunt.
Quærent, an in patria opes suppeterent,
quibus se suosque redimeret. Quibus
ille, nihil in hoc mundo sibi proprium
esse, respondit, sed amicos habere & sub-
ditos, qui agros & pecunias possiderent.

Sara-

Saraceni hortari, ut quemquam suorum Sæculum X.
mitteret, qui pretium recuperandæ li- A. C. 975.
bertatis afferret. Tum pretium pronun-
ciant mille libras argenti; unde singulis
eorum libra una obtingeret. Ergo Ma-
jolus Abbas quemdam monachorum suo-
rum mittit cum Epistola manu sua exa-
rata, hæc pauca continente. *Dominis*
meis & Fratribus meis Cluniacensibus P^{sal.} 17. 5. 6.
Frater Majolus miser & captivus. Tor-
rentes iniquitatis conturbaverunt me,
præoccupaverunt me laquei mortis. Igi-
tur rogamini, ut me & eos, qui mecum
sunt, dato pretio redimatis. Hæc Epi-
stola Cluniacum delata non solum illius
Cœnobii Fratres, sed totius regionis in-
colas summo dolore affecit. Multa de
pretiosa Ecclesiæ supellectile venunda-
ta, & amicorum præcipui pecunias cer-
tatim comportarunt, quibus celeriter ex-
acta a Saracenis summa impleta est.

Interim Barbari S. Abbatem in dies
majore veneratione prosequerantur.
Cum tempus prandii advenisset, S. Viro
quoque, quæ habebant, videlicet carnem
& panem prædurum apponunt. Tum
ipse: *Si esuriero, pascet me Dominus.*
Quæ vos datis mihi non conveniunt.
Moxque aliquis ex Saracenis commiseratione
tactus, replicatis manicis, manus
& clypeum abluit, in quo farinæ massam
præsentem Abbate subegit, statim furno

Sæculum X. immisit, & coctum porrexit. Accepit
A. C. 975. Abbas, oravit, & gratias agens comedit.
 Saracenorum alius baculum decorticans
 pedem imposuit Bibliæ, quam Majolus
 semper quocunque iret deferre adfue-
 verat. Ingemuit Vir Sanctus, & aliqui
 ex Saracenis comilitonem vituperarunt
 dicentes, librum verba Prophetarum
 continentem usque adeo vilipendi non
 debere. Eadem die, exortis inter eun-
 dem barbarum & commilitones rixis, pe-
 dem ejus, quo Bibliam calcaverat, am-
 putarunt. Tandem ubi libertatis pre-
 tium allatum est, S. Majolus omnesque
 cum ipso capti dimittuntur; unde Fe-
 stum Assumptionis apud Christianos, ut
 exoptaverat, celebrare licuit.

Saraceni vero haud diu post ex Fra-
 xineti stationibus a copiis Guilielmi Du-
 cis Arelatensis pulsi sunt, quod plerique
 in pœnam ob captum S. Virum coelitus
 immissum crediderunt.

Libri quoque, qui S. Abbatis fuerant,
 in sarcinis Barbarorum inventi eidem re-
 missi.

§. XL.

*S. Majolus Dignitatem Papalem
 fugit.*

Vit. per Syr. lib. 3. c. 8. **H**aud longum post S. Majoli reditum
 effluxerat temporis spatium, cum
 ab Ottone II. Imperatore, & Adelheide
 Impe-